

《大方廣圓覺修多羅了義經導讀》補充講表

◎附表四（以下糝合諦閑大師《圓覺經講義親聞記》、通理大師《圓覺經析義疏》）

此大光明藏，雖諸佛之所獨證，仍眾生之所同具，故曰眾生清淨覺地。

○不二隨順。於不二境，現諸淨土。

◆言隨順者，本是惟有一法界性，原無二體，何云隨順，以有逢緣變現之意，緣興即隨順也。今為諸大士，建立圓頓法幢，故於不二境中，現諸淨土。據此足見他受用之身土，仍依一真法界為緣起也。

◆現諸淨土：指說經之處，即世尊之依他起用，所謂他受用處。並無一切法，惟有大光明，故曰：大光明藏。於未開口，即入此藏，已將圓覺精義現出。佛說法必先入定，乃是常規，為作眾生榜樣也。

○與大菩薩摩訶薩十萬人俱，其名曰：文殊師利菩薩……皆入三昧，同住如來平等法會。

◆梵云：文殊師利，此為妙吉祥，亦云：妙德。過去成佛，號龍種上尊王。現在北方為摩尼寶積佛。當來成道，名普現佛。今經為發起師。圓頓大教，非智莫解，故首標之。

※懺雲老和尚於《十大願王旨要開示》指出「普：普為十方。賢：謙自稱賢而不稱聖。」

◆以文殊表智如目，普賢表行如足。智行相成，能證法身妙果，如目足相資，能到故鄉田地，故次列之。

◆賢善首者，依本經流通大教，端賴此人，故為賢善之首。等前合為十二，俱為十萬人之上首也。上首護念曰眷，攝令從道曰屬。十二大士，各有萬眷圍繞，各有道場住持。且如佛之道場，在舍衛，文殊道場在五台，普賢在峨嵋等。

◆同一法界，元無遠近，雖在十萬億剎外，如在目前。故曰同住，以皆法身眷屬故也。